

金石萃編

金石萃編卷三十八

賜進士出身 誥授光祿大夫刑部右侍郎加七級王昶謨

隋一

殘造象記

記已失前文知非止此一石茲就所存之石計之橫廣一尺六寸五分高一尺一寸僅存十四行行十字

正書

上無黑變成紫室所願從心咸登妙菓無不遂意又願見世後生男則狼如觀頂天然而知智 慧孤秀任居上位亦世 崇明靈風相踵超然之一女則形軀端嚴行性淳潔內隆勝鬘衆人聲歎有能試知無爲曉悟苦

空滅已削身共崇曰菓捨離惡業者並同斯善永無彰  
導俱登正覺

開皇三年歲次癸卯五月戊戌朔十五日壬戌

邑師比丘法口

邑師比丘惠遠

王伏女等造象記

石四面刻像南北面各高三尺四寸廣一尺三寸五分  
分三截上截皆陽像無字中陰像字各六行下無  
像一十六行一十四行東西面各廣一尺五分像與  
南北面同中層皆五行下截一十一行一十五行每  
行字數五六七八九不等正書

女口

口女口

闕

化主口

口父口

口

闕

口非常共

相口口闕口包子六十人口闕口口造石像一區闕道  
經典上爲人王闕爲壹口父母口口闕就願口口口口  
口闕慶願從心

開皇三年

日

東面化主王伏女

東面像主口口

東面口口口口女

香火口女口

以上東面

西面化主李舍資

比丘尼僧及七世父母

西面像主趙乱資

西面包主李勾男

都大檀越主吳門口

包子口口口

包子口何妙

口口秦口氏

包子王阿口女

包子口口資

包子王道先

包子李女口

包子李口先

包子田老口

包子劉元口

包子劉女賜

包子高莫老

包子何阿口

包子李口女

以上西面

都錄主劉要羅

都邑主王貴妃

都像主口婆女

都化主王口父

南面像主王口口

口口口口口

包子何口口

包子田口口

包子郭口妃

包子口合口

包子田阿男

包子李玉妃

包子王阿女

包子朱太妃

包子劉口口

包子口口女

包子劉口口

包子口定朱

包子口男口

包子口口貴

包子口阿口



色子□□□

以上南面

北面色□郭令妃

北面化主□先□

北面像□

北面□□

北面□□□□

北面檀越主何香□

色子□□□

色子李□僧

包子□□□

包子劉□□

包子劉□□

包子□□□

包子□□女

包子□□女

包子□女□

包子□□□

包子□□□

以上北面

楊遵義造象記

石不知高幾許銘刻象之下截廣九寸五分  
九行行或九字七字十一字八字不等正書

開皇三年十二月 楊遵義爲息口熾造第一區上  
爲人王帝主下爲七世父母及自己身同口斯願

息口熾

父楊道博 息純祐

母形雙口 息口熾

兄楊暉業 妻王媚容

弟楊遵義 妻焦忞容

王忻造象記

石橫廣二尺一寸五分高一尺一寸五分廿一行行十字正書

□□孝者善繼人之志善□人之事亡人先發願願□  
敬成之敢陳勝業乃作□云

□宗靡極道法何源其終□末其始無先聖聖絕學□  
、忘言虛无萬古寂魄□千洪鍾應扣響振周年□□  
一字耳畫三門星珠□□月桂猶□□車行空□駕飛  
仙道德經首希夷□容三鳥翮颺九井□蹤□祠曲里  
唐享濯龍全身□寫相好無窮懃心懃敬□真慕聖奉  
資 王矣□□益詠

大隋開皇六年七月十五日前上士州從事國子助

教彭城縣開國男洞靈弟子王忻敬造

按隋書百官志初沿周制有上士中士下士之目  
入隋已後不復詳列其諸州部郡從事從九品國  
子助教從七品開國男正五品王忻所稱前上士  
或是仕于周時其在隋或由州從事入爲國子助  
教而以從七品官封正五品爵殆當時加爵高于  
官一二等歟

龍藏寺碑

碑高七尺一寸廣三尺六寸五分三  
十行行五十字正書今在正定府

竊以空王之道離諸名相大人之法非有去來斯故將

喻師子明白在如無畏取譬金剛信畢竟而不毀□□  
□□□□□源□隔愛慾之長河開生死之大海無  
船求度既似龜毛無翅願飛還同兔角故以五通八解  
名教攸生二諦□□法門□□□攝細良資汲引之  
風挽溺陷深雅得脩行之致若論輒闕之城皆妄芭蕉  
之樹盡空應化詎真權假寧實釋迦□□說□□□□  
菩提豈證果之人然則習月之指安歸求道之趣奚向  
如幻如夢誰其受苦如影如嚮誰其得福是故維摩詰  
具諸佛智□□□坐斯來舍利弗盡其神通天女之花  
不去故知業行有優劣福報有輕重若至凡夫之與聖

人天堂之與地獄詳其是□□□□可同日而論哉往  
者四魔毀聖六師謗法拔髮翹足變爲吞麻李固之內  
結其惡黨竹林之下亡其善聚護戒比丘翻同□□□  
□□□□等□蓮慧殿仙宮寂寥安在珠臺銀閣荒涼  
無處離離綴彩寧勞周客含含奏曲詎假殷人我大  
隋乘御金輪□□□□上應帝命下順民心飛行而建  
鴻名揖讓而升大寶匪結農軒之陣誰徇湯武之師稱  
臣妾者遍於十方弗□□□之亂□□帛者盡於萬國  
□陷防風之禍斯乃天啓至聖大造區域垂衣化俗負  
展字民昧旦紫宮終朝青殿道高義燧德盛□□□□

口口衆呪口集伍邛口月搖庭含風沉壁觀書籠負握  
河之紀功成治定神奉益地之圖於是東暨西漸南徂  
北邁隆禮不治口口口口感天地而動鬼神辯尊卑而  
明貴賤而尚勞已亡倦求衣靡息豈非攸攸黔首垢障  
未除擾擾蒼生蓋經仍擁所以金編寶字玉口綸言滿  
封盈函雲飛雨散慈愛之旨形於翰墨哀愍之情發於  
衿抱日月所照咸賴陶甄陰陽所生皆蒙鞠養故能津  
濟率土救護溥天口口弊愚口口導聾瞽討茲法雨使潤  
道牙燒此戒香令薰佛慧脩第壹之果建取勝之幢拯  
旣滅之文匡昌墜之典恩辱之鏡滿口口都微妙之臺



充於赤縣豈直道安羅什有寄宏通故亦迦葉目連聖  
僧斯在龍藏寺者其地蓋近於燕南昔伯珪取其謠言  
□□□□母恤往而得寶窺代常山世祖南旋至高邑  
而踐祚靈王北出登望臺而臨海青□飲霧淥水揚波  
路欵晉而適秦途通□而指衛□□之落矩步非遙平  
原之樓規行詎遠尋派遡世彼亦河人幽閑博敞良爲  
福地太師上柱國大威公之世子使持節□武衛將□  
□開府儀同三司恒州諸軍事恒州刺史郭國公金城  
王孝偉世業重於金張器識逾於許郭軍府号爲飛將  
朝廷稱爲□□領袖諸□冠冕羣僚探賸索隱應變知

機著義尚訓湘之勲立勲功事勞之績廊廟推其偉器  
柱石捐其大材自馳傳莅蕃建輿口口招懷口逸獨復  
逃亡遠視廣聽賈琮之按冀部賞善戮惡徐邈之處涼  
州異跡齊奔古今一致下車未幾善政斯歸瞻彼伽藍  
口口草創口奉勅勸犇州內士庶壹萬人等共廣福  
田公爰啓至誠虔心從石施逾奉蓋檀等布金竭黑水  
之銅罄赤岸之玉結瑠璃之寶口飭纓絡之環臺於是  
靈剌霞舒寶坊雲構崢嶸醪萬穹隆謠詭九重壹柱之  
殿三休七寶之宮彫梁刻桷之奇圖雲畫藻之異口銀  
成地有類悉覺之談黃金鏤楯非關句踐之獻其內閑

房靜室陰牖陽窓圓井垂蓮方踈度日曜明璫於朱戶  
殖芳卉於紫墀□□金沙似遊安養之國蘄隱天樹疑  
入歡喜之園夜漏將竭聽鳴鍾於寺內曉相既分見承  
露於雲表不□床聖來會之衆□憂□□飲食持鉢之  
侶笑念粵以開皇六年歲次鶡火莊嚴粗就庶使 皇  
隋寶祚與天長而地久種覺花臺將神護而鬼衛□□  
詞□

多羅秘藏毗尼覺道斯文不滅憑於大造誰薰種智誰  
懷煩惚猶歟我 皇寶宏三寶慧燈翻照法炬還明菩  
提果殖救護心□香樓並構貝塔俱營充遍世界亦滿

國城假彼大林當途向徇於穆州后仁風遐拂金粟施  
僧珠纓奉佛結瑤甍宇構瓊起室鳳口築日虹梁入雲  
電飛窓戶雷驚櫟焚綺籠金鏤縹緲椒薰綈錦乱色丹  
素成文鬬影雪宮依稀月殿明室結恍幽堂啓扇口席  
未口口危誰見帶風蕭瑟令州蕊蒨西臨天井北拒吾  
臺州谷苞異山林育材蘓秦說反樂毅奔來邹魯媿俗  
汝穎慙能惟此大城口口口踐踈鍾嚮度層磐露竑八  
聖四禪五通七辯戒香恒馥法輪常轉

開皇六年十二月五日題寫

齊開府長兼行參軍九門口口口口

碑陰

分五截三十行  
字數不等正書

冠軍將軍都督錄事參軍敬楷

前員外散騎侍郎開國伯功曹參軍崔旻

都督前煬陽縣令倉曹參軍鄭世隆

伏波將軍戶曹參軍楊遠

洛州主簿戶曹參軍元德明

前城隍郡丞兵曹參軍崔充禮

前北豫州刑獄參軍法曹參軍祖士廓

士曹參軍崔宰

行參軍長孫世

行參軍楊昉

行參軍梁直

行參軍傅君長

行參軍楊懷詰

郭國公府長史皇甫祥

郭國公府司馬侯鑾

翊軍將軍真定縣令張仲

冠軍將軍師都督九門縣令李康

安化縣開國侯石邑縣令任蒞

金石錄卷三十八  
十一  
師都督義鄉縣開國男并陘縣令曹明

前內侍開府儀同三司銀青光祿大夫靈壽縣令潘士逸

征東將軍蒲吾縣令王緒

翊軍將軍都督行唐縣令宋琛

都督滋陽縣令元靜

州都張元質

州都裴衡

前秘書侍郎平棘縣令涇陽縣開國伯州主簿賈羅侯  
州主簿房道儒

州光初主簿房峻

州光初主簿許芬

州西曹書佐閻公約

州西曹書佐栗子逮

大都督祭酒楊騰

前奉朝請祭酒胡士則

恒州前士曹從事省事李亮

真定縣主簿省事趙琛

前給事真定縣丞王賢族

殲寇將軍真定縣尉王亮



并州前行叅軍真定縣尉鄒舉

掃寇將軍九門縣丞蔣羅

伏波將軍九門縣尉富祖

九門縣尉呂儉

前恒州典籤錄事雜卿俗素

井陘縣尉賈子政

明威將軍□□□廣陽令邑正盧延

前常山郡正雜卿石建業

前常山郡主簿雜卿石子紀

雜卿賈小盆

維那石元空

維那張仰兒

維那石文選

州前市令前恒山郡錄事維那劉雅

前常山六州府右柏司馬戶曹參軍姚鸞

盤邊將軍恒州十二州帥都督劉多羅

前常山六州倉曹參軍維那獨孤猛

前度支令史恒山郡錄事牛軌

湯邊將軍儀同府司馬維那趙元卿

儀同府法曹參軍維那潘善護

前常山郡功曹維那石洪林

前散騎常侍維那竹奉伯

兵曹佐維那郝瑜

恒州倉督維那郝楷

前真定縣平正維那封孝瑜

明威將軍西水縣令郝督焦貴選

冠軍將軍前鋒大都督豪州刺史東興縣男呼延震

前州倉曹佐監寺使張秬

前汾州統府錄事監寺使魏讓

前定州總管府學生監寺使段深

前定州總管府學生監寺使倭婁

前恒州行叅軍維那石文舉

前恒郡兼主簿維那石紹軌

前六州倉曹叅軍維那樂元

前六州外兵維那獨孤永和

維那石洪兒 維那檀惠顏

維那石顯應 維那賈益宗

維那王景貴 維那王遵貴

維那竹盆 維那王望兒

維那石子暉 維那閻仲遵

維那石子約 維那王市吉

維那買榮伯 維那左輔

維那馬祀 維那白暉賓

眞定縣 維那 維那 維那 維那 維那 維那

石邑縣 維那 維那 維那 維那 維那 維那

邢陘縣 維那 維那 維那 維那 維那 維那

蒲吾縣 維那 維那 維那 維那 維那 維那

零壽縣 口口口田世趙 口口口傅口 維那 維那

那 維那 維那 維那

行唐縣 維那 維那 維那 維那 維那 維那

滋陽縣

維那

維那

維那

維那

維那

九門縣

□□□斬口林

維那

維那

維那

維

那

維那

右齊開府長兼行參軍九門張公禮撰不著書人名

氏字晝適勁有歐虞之體隋開皇六年建碑云大師

上柱國大威公之世子左威衛將軍上開府儀同三

司使持節恒州諸軍事恒州刺史鄂國公金城王孝

僊奉敕勸獎州人一萬共造此寺其述孝僊云世業

重於金張器識逾於許郭然北齊周隋諸史不見其

父子名氏不詳何人也 龍藏寺已廢此碑今在常

山府署之門後題張公禮猶稱齊按周武帝建德六年虜齊幼主高常齊遂滅後四年隋建開皇之號至六年齊滅蓋十年矣公禮尚稱齊官何也

集古錄

右隋龍藏寺碑集古錄謂在常山府署之門常山卽今之真定予近以使事過之聞府治東二里龍興寺有古銅佛一軀崇七十二尺閣之覆者崇百有三十尺與太守同年李君往遊其閒見殿前一古碑其趺已沒土中讀之乃公禮文蓋寺在隋名龍藏歐公謂寺廢與碑在常山府署蓋未嘗親歷其地故誤書耳

碑立于開皇六年齊已久滅而張公禮猶稱齊官書者不以爲嫌當時不以爲禁此皆尚有古道尤可紀也

庚子銷夏錄

碑今在真定府龍興寺大殿內其後爲天寧閣九間五層高一百三十尺中有銅觀世音像高七十二尺四十二臂各有所執之物俗謂之大佛寺也碑爲隋開皇六年恒州刺史鄂國公金城王孝儒立而其末乃云齊開府長兼行參軍九門張公禮撰齊亡入周周亡入隋而猶書齊官蓋君子之能不降其志而其時之人亦不以爲非也其書踐阼爲踐祚何人爲河



人伽藍爲伽藍懷爲壞五臺爲吾臺則理之不可通者疑爲後人摹刻之誤又宋歐陽公集古錄云龍藏寺已廢此碑今在常山府署之門此嘉祐八年所書而龍興寺乃乾德元年建據文忠集錄之曰碑尚不在龍興此其徒置之由已不可問惟其大書齊官則必非後人之所加也余考顏之推仕歷周隋而其作家訓猶謂梁爲本朝蓋同此意其時南北分疆興亡迭代爲之臣者雖不獲一節以終而心之所主見于稱名之際者固較然不易如此 大戴禮武王踐阼禮記曲禮踐阼祭祀正義曰踐履也阼主人階也

天子祭祀升阼階履主階行事故云踐阼也文王世

子篇成王幼不能蒞阼周公踐阼而治注踐履也代

成王履阼階

方氏曰蒞阼臨朝也阼者主人所有事之階故適之冠于阼以著代繼體之君

臨朝行事謂之踐阼

史記漢文帝紀辛亥皇帝卽阼正義曰主

人階也古時殿前兩階無中間道故以阼階爲天子

之位王莽傳引書逸嘉禾篇云周公奉鬯立于阼階

隋書載北齊邢子才議曰君位在阼階故有武王踐

阼篇啖氏春秋傳曰凡天子崩諸侯薨旣殯而嗣子

爲君康王之誥是也未就阼階之位來年正月朔日

乃就位南面而改元春秋所書是也公卽位者卽阼

階之位也韓文公集元和聖德詩皇帝卽阼方崧卿

注謂東階也或作阼非

金石文  
字記

眞定府治東龍興寺隋龍藏寺故址也寺創于開皇  
六年宋太祖嘗幸其地寺重建于乾德元年龍興之  
額所由更也然集古錄稱龍藏寺已廢遺碑在常山  
府署之門則嘉祐間碑猶在寺外也今入門有殿殿  
北閣五層廣九楹中奉觀世音像土人目爲大佛寺  
碑亦具存而終南山釋道宣撰神州寺塔錄鋪敘佛  
像顧不及焉何哉

曝書  
亭集

龍藏寺碑末行張公禮下僅有一之字之下闕爲撰

爲書皆不可知而都元敬竟坐張公禮爲撰文未免  
太鑿書法遒勁無六朝儉陋習氣蓋天將開唐室文  
明之治故其風氣漸歸于正歐陽公謂有虞褚之體  
此實通達時變之言非止書法小道已也碑中字多  
譌謬如以何人爲河人五臺爲吾臺之類不可一二  
數蓋當六朝荒亂之餘同文之治破滅已盡此雖已  
稍歸於正而其宿氣猶有存者此固事理之可推無  
須厚非者也 歐陽公集古錄謂碑在常山府治之  
門常山今之正定府也明都元敬以使事過正定嘗  
遊龍興寺見碑在殿前而謂歐陽公未嘗身歷其地

故至誤書今顧寧人金石文字記又謂在殿中不知寧人亦曾親至否如顧又未知何時移入殿中也

虛舟

題跋

碑云金城王孝儒歐陽永叔趙子函以爲齊周隋諸史皆無之以予考之蓋王傑之子孝儒也周書傑金城直城人宣帝卽位拜上柱國追封鄂國公諡曰威子孝儒大象末位至開府儀同大將軍碑書僊爲儒蓋字體之偶異傳不云襲鄂國公則史之闕也其仕隋爲恒州刺史在周書固不當載而北史亦未增入此爲闕漏矣文稱勸獎州內士庶壹万人等又碑九

重壹樹之殿皆以壹代一字按禮記節以壹惠鄭注  
壹讀爲一正義云上壹是齊壹下一是數之一二也  
經文爲大壹之字鄭恐是均同之理故讀爲小一取  
一箇善名爲證耳讀此碑知壹之代一隋時已然故  
唐初撰正義者有大壹小一之語耳銘詞云鄒魯媿  
俗汝穎慙能與臺材來協韻蓋才能之能古讀奴來  
反隋時古音猶存也 龍藏寺碑陰及左右側題名  
字畫完好歐趙諸家俱未之知壬午歲予奉使過眞  
定宿龍興寺秉燭訪斯刻見碑陰兩側皆有題字乃  
募工掘而藏之題銜有云前城舉郡丞者隋書地理

志榮陽縣舊置榮陽郡後齊改曰成皋郡開皇初郡  
廢城舉卽成皋也又有云恒州前土曹從事省事云  
真定縣主簿省事者考百官志州縣吏無省事之名  
不知何職也下二列真定石邑邢陘蒲吾零壽行唐  
滋陽九門諸縣維邢姓名或不具以俟續刻也書井  
陘爲邢陘者按廣韻邢字下注邢邢地名卽井陘也  
其書靈壽爲零壽則他書所未有也

潛研堂金石文跋尾

按畿輔通志載正定府隆興寺云在府治東一名  
龍興寺又名大佛寺隋開皇六年建初爲龍藏寺  
創建之日天降異香恒州刺史鄂國公王孝儒存

碑記大殿內有張公禮龍藏寺碑王孝僊事卽在  
張公禮碑內志蓋誤分爲二碑也碑稱太師上柱  
國大威公太師之銜史所略證曰威不知何以碑  
加大字所未詳也史不詳敘孝僊官位但云大象  
末位至開府儀同大將軍据碑則入隋數年歷官  
開府儀同三司恒州刺史襲封鄆國公也恒州始  
置于周建德六年領常山郡隋初廢郡而州存大  
業初州廢復立郡此碑立于開皇六年其時州尚  
存故孝僊爲此州刺史也恒州今謂之正定府碑  
在龍藏寺今謂之龍興寺蓋孝僊官刺史時所立



也碑陰列諸縣維鄆曰真定曰石邑曰邢陘曰蒲  
吾曰零壽曰行唐曰滋陽曰九門皆恒州屬邑也  
隋書地理志石邑本舊名後齊改曰井陘開皇六  
年復改石邑邢陘卽井陘亦開皇六年復石邑分  
置蒲吾本舊縣開皇十六年廢入井陘此時縣尚  
存零壽卽靈壽說文霈雨零也詩曰霈雨其濛又  
零餘雨也是霈零同義加巫爲靈其義始別碑則  
借霈爲靈而又通零爲霈也九門亦開皇六年復  
置碑所列者半皆新置也文云龍藏寺者其地蓋  
近於燕南世祖南旋至高邑而踐祚靈王北出登

望臺而臨海燕趙南北接壤恒州在戰國屬趙地  
趙之北境卽燕之南境世祖謂漢光武後漢書光  
武本紀建武元年光武從薊還行至鄴命有司設  
壇場於鄴南千秋亭五成陌卽皇帝位太平寰宇  
記高邑縣戰國時趙房子邑之地漢以爲鄴縣漢  
書地理志房子縣屬常山郡光武卽位更名高邑  
開皇三年改屬趙州是高邑舊屬恒州碑記其郡  
之故蹟也靈王登臺乃九門縣事寰宇記九門縣  
望風臺趙武靈王築以望齊及中山亦曰寒臺是  
也登以望齊故云登望臺而臨海也文中但記建

寺之宏麗而無一語及佛像則四十二臂之觀世  
音像非其舊矣碑書響作嚮筆作蕙悠、作攸、  
纏作纏翰作翰轆轤作醪葛謫詭作謫詭詹作詹  
皆別體也文稱勸獎州內士庶壹萬人等碑陰所  
刻有官位姓名者八十人自真定縣以下各列五  
行只維那二字而無姓名惟零壽縣增多二行有  
田世敖字傳口字敖疑卽敖字結銜有云師都督  
者隋書百官志有大都督帥都督都督等官又云  
苑川十二馬牧每牧置大都督及尉各一人帥都  
督二人蓋司牧之官是帥字非師字也姓名有栗

子遠者栗姓見風俗通燕將栗復之後有倭素者  
倭本倭字廣韻云姓也集韻云倭或倭郝瑜之郝  
似卽却字此碑在寺之殿隅歷經寺僧守護寺又  
聳峙大道恭遇

高宗純皇帝西巡

鑾輅所經敬謹修葺以備

臨幸

御製碑刻焜耀叢林

起

曾預扈行及往來滇陝過此寺者

凡十餘次每停驂周覽必摩挲拂拭故詳識如右

趙芬碑

殘碑二段皆高二尺餘廣一尺共二十四行字數不計正書今在西安府中兆村

上翼苞島嶼而納百川口必有出日之波瀾斯乃口口

口口口下庶績亦何代無其人哉淮安定公繼之矣公

諱芬字口口口下口英靈不絕十一世祖融字稚長所

謂荀口君口口口口口下休曾祖嚳祖賓育或頻贊藩

維或口腰銀艾口口口口口下口龍宿感周勃生公

炳靈特挺氣稟純粹口口口口口下口喜愠之

色先聖微言味之而不倦口口口口口下書舍

人尚書兵部郎職乃應星人同披口口口口口口口

下二國竝興伊洛峭函百樓相對金星火宿芒口口口

□□□<sub>闕下</sub>□不進加儀同三司仍長史徵入朝歷御伯

納言□□□□□<sub>闕下</sub>治夏官府司馬封□安縣開國子前

後任熊□二州□□□□□<sub>闕下</sub>滯如□□□□□

□□□□□□□□□□□□□□官<sub>闕下</sub>聖主得

賢開皇五年除□州刺史加金紫光祿大夫以公年時

□□故優<sub>闕下</sub>乞骸聽以大將軍淮安公歸第仍降璽書

□賜□□□□□□□□□□<sub>闕下</sub>二月十二日寢疾

薨於京師之太平里第王人□□□□□□□□<sub>闕下</sub>

□內融虛舟元運有禮有法可大可久從□□□□□

□□□□□□□□□□<sub>闕下</sub>然風塵不染清白自守脂膏莫

潤故□□□□□□□□□□□□□□<sub>下</sub>公業不亡

□□有寄府佐杜寬等仰□□□□□□□□□□□□

□□<sub>下</sub>□□誰知夏屋之所乃勒此高碑樹之□□□

□□□□□□□□□□□□<sub>下</sub>

<sub>上</sub>歷代□□□仁不常厥土所在稱環□美□□□

□□□□□□□□□□□□□□□□動無近對研尋

百氏下上千古□□□□□□□□□□□□<sub>下</sub>

□□命歸火謳歌去木□□□□□□□□□□□□

□□<sub>下</sub>□□□□□□□□身淑慎名教斯在□□□□□

□□□□□□□□□□□□□□□□<sub>下</sub>城黃

□□墓石□□

碑今存前後二塊土人砌於堡門內書銜已亡僅存

一碑字其下無書撰人姓名存字三百餘

雍州金石記

右淮安定公趙芬碑碑已斷失其上半又無題額按

隋書芬傳稱封淮安縣男而碑稱淮安縣開國子傳

不載芬謚而碑云定公其以大將軍歸第傳亦不書

皆可補史之闕漏此碑前人未有著錄者予于京師

琉璃廠市中得之如獲珍珠船矣

潛研堂金石文跋尾

碑在中兆村墓在西安城南少陵原俗呼太伯塚卽

中兆村也

竹垞廬金石目録



按碑云公諱芬十一世祖融字稚長曾祖炎祖賓  
育考魏書趙逸傳逸字思羣天水人也十世祖融  
漢光祿大夫而不載融字稚長逸兄溫字思恭溫  
子炎字叔起爲兗州司馬轉周城鎮副將還京爲  
淮南王他府長史年八十卒遷都洛陽子應等乃  
還葬焉而不云其子賓育北史亦附見逸傳云應  
弟煦字賓育好音律以善歌聞于世位秦州刺史  
則是賓育是字而非名也炎爲溫之子溫爲逸之  
兄而芬爲炎之曾孫碑稱融爲芬之十一世祖則  
當爲逸之七世祖不知史傳何以稱融爲十世祖

也芬爲周隋時人炎在北魏之世溫在魏初史但稱融爲漢光祿大夫不詳何年卽由魏初上推漢末不過二百餘年其爲七世似屬可据則係史誤七爲十當以碑爲正也北史趙芬傳芬字士茂天水西人也父諒周秦州刺史芬爲相府鎧曹參軍歷記室累遷開府儀同三司周武帝拜內史下大夫轉少御正李穆討齊引爲行軍長史封淮安縣男再遷東京少宗伯鎮洛陽隋文帝時遷東京左僕射進爵郡公開皇初罷東京官拜尚書右僕射兼內史令出爲蒲州刺史加金紫光祿大夫領關

東運漕後數年上表乞骸骨徵還京師賜以三驛  
輅車几杖被褥歸于家後數年卒隋書趙芬傳則  
云父演周秦州刺史與北史之言父諒者異蓋北  
史於逸傳不及賓育之子碑又不及芬之父不能  
定其諒與演之孰是矣隋書傳又稱芬由鎧曹參  
軍歷記室遷熊州刺史封淮安縣男復出爲浙州  
刺史此兩州刺史爲北史所不載餘悉與北史同  
以碑證之所不同者碑稱開國子史作開國男碑  
云以大將軍淮安公歸第而史無之餘亦大略相  
同傳不載諡定碑亦賴有淮安定公繼之矣一語

知其謚定否則亦無可表見也淮安縣之淮字熊  
浙二州之浙字蒲州刺史之蒲字碑皆闕泐據傳  
知之除蒲州刺史史不詳何年碑則云開皇五年  
史但云歸第後數年卒碑於卒字泐不能辨參考  
碑史則當在開皇五年以後之數年約略在十年  
左右也以碑校史彼此詳略皆可以互證矣

□昭禮造像記

記刻三面前橫廣五寸五分七行行二字解二寸四  
行行三字皆高二寸後高六寸八分五行行七字正  
書今藏萊陽  
初太史家

開皇十一年歲次辛亥正月甲申朔十五日戊戌首民

口昭禮爲 口亡七世父母口所生父母祖口口妻夏  
氏父母口口果僧妃叔阿口妻夏侯

右記凡十六行字徑五六分不等或云此是天尊造  
象今所見祇拓本形如曲尺殆亦刻于坐閒者山左金石志

張景略銘

碑高廣俱一尺八寸十七行  
行十七字隸書今在彰德府

君諱景略燕州上谷人漢司徒華之後也  
帝皇布護埒相蟬聯備諸國史其可伊述  
祖驃騎大將軍第一領民酋長文城公又

遷燕州諸軍事燕州刺史

考龍驤將軍諫議大夫奉車都尉行鴻安  
郡太守金鄉侯

若質如披錦文彩煥然器若珪璋尤輝朗  
曜於是弱齡表異聲振朝野欲止不能遂  
被徵辟起家爲魏帝內侍左右尋遷秘書  
郎優遊鳳沼去來麟閣時稱獨步寔曰無  
雙又加車騎大將軍開皇十一年正月六  
日冥不蠲德奄從運往春秋六十有八  
其月二十六日遷窆於相州安陽河北白

素曲未極丞相之年祇掩將軍之墓嗚呼  
哀哉乃爲銘曰

咎季慷慨施紫垂崑山漢弼玉潤珠明  
何啻大運混我賢貞一躋身正百代千齡  
祥符周君伯敷持是銘贈子云其從子岐東數年前  
自安陽得之銘刻完好僅闕一二字其敘云君諱景  
略燕州上谷人漢司徒華之後也漢宜作晉臨文疎  
莽皆自晉魏以來士人馳騫詞章雖見聞近如晉事  
亦不考世代至此又云驃騎大將軍第一領民酋長  
文城公又遷燕州諸軍事燕州刺史考龍驤將軍諫

議大夫奉車都尉行濟安郡太守金鄉侯書歷官詳  
備然皆闕其名而不書使後不可考爲可惜也張君  
被徵辟起家爲魏帝內侍左右遷祕書郎加車騎大  
將軍以開皇十一年正月六日冥書卒爲冥文亦僅  
見別體字煥作煥尋作尋寔作寔寔在相州安陽河

北白素曲

授堂金石跋

按志載景略歷官起家爲魏帝內侍左右尋遷祕書  
郎又加車騎大將軍而誌題稱大隋車騎蓋隋加是  
官也魏書官氏志建國二年初置左右近侍之職無  
常員或至百數侍直禁中傳宣詔命皆取諸郎大人



及豪族良家子弟儀貌端嚴機辨才幹者應選又直  
內侍長四人主顧問拾遺應對是誌言內侍左右卽  
史所云左右近侍之職景略以開皇十一年葬相州  
安陽河北白素曲元和郡縣志隋開皇十年置安陽  
縣屬相州此誌當十一年故得仍重置安陽之名河  
北白素曲誌石出於今安陽橋之北迤東隋白素曲  
卽屬此矣金石三跋以正月六日冥云書卒爲冥考  
此誌冥非句絕冥與卒不通用疑誤

安陽縣志

按文首云君諱景略燕州上谷人漢司徒華之後  
也考三國魏志有兩張華一是張恭從弟恭嘗遺

攻黃華一是酒泉人據郡起兵就爲所執竝附閭  
溫傳又北魏書張譙傳譙清河東武城人父華爲  
慕容超左僕射皆與碑所稱之張華不合惟晉書  
張華傳華字茂先范陽方城人以誅楚王瑋首謀  
有功拜右光祿大夫開府儀同三司侍中中書監  
進封壯武郡公數年代下邳王晃爲司空領著作  
被害後追復侍中中中監司空公廣武侯是未嘗  
爲司徒碑之誤不獨以晉爲漢也景略卒于開皇  
十一年春秋六十有八計其生年在北魏孝明帝  
正光五年甲辰更歷東魏西魏共三十餘年其官

祕書郎當在魏朝不知加車騎大將軍在何代也  
推其祖父亦當在北魏之世編考魏書北史不得  
其人魏書官氏志云諸方雜人來附者總謂之烏  
丸各以多少稱酋庶長分爲南北部俾稱祖驃騎  
大將軍第一領民酋長似卽此官蓋北魏之初制  
也隋書百官志亦云流內比視官十三等第一領  
人酋長視從第三品領人卽領民避唐諱也隋制  
蓋因北魏之舊景略之祖北魏初人是當從魏志  
俾書頗完整而文極簡略難考如此蟬聯作蟬聯  
是別體獨漢水之水作𣶒則从古文𣶒字中之𣶒

形

詔立僧尼二寺記

碑高五尺二寸五分廣三尺五分  
分二十二行行四十四字隸書

昔夫老子位上下之經纔表清虛之妙在  
生著內外之義且論出世之高無申紫報  
之言豈暢因緣之旨眷言大道未爲盡得  
是知神理微密真趣幽顯此期之侶起惑  
興障若非達聖膺運至德降靈孰能敷化  
大千口口彼岸暨口通漢夢炭驗昆明法  
輪西闡像教東被自今迄今將千歲矣雖

神功妙迹迫出天人應物隨方多有□□  
□□靡風遂扇絀□更繁或廢或興隨時  
出沒良由止塗所隔業緣致壅故耳我大  
隨膺千齡之會處區運□□□□遣先  
天協命 皇帝統曆維乘元欽明御宇秉金  
輪以治世懸玉鏡而照臨聲逸萬古澤被  
遐外好生惡煞泣辜解網輕茲小道慕波  
大乘欲歸一諦會由三寶乃 詔州縣各  
立僧尼二寺嚴聖軌之將頽繼金言之變  
缺 庚君建安公衣冠水鏡縉紳模楷人

朝見美出收稱賢含柔履慎率由成則施  
流異部聲播殊方念法界弘歸依聖慈善  
以訓物申命勲至不捨斯須縣令西河宋  
景輔國將軍內散復州別駕治長史宜昌  
竟陵二郡□□□都督允文允武所在稱  
奇製錦一同弦歌千室志懷清慎恒若履  
冰能官之美今古獨絕染髻非常情存擇  
典聽訟之暇無忘福田丞大梁齊相尉燁  
陵張服河間張樹並以明指柔贊專城濟  
勲自處譽宣隣邑俱申迴向之止共斯真

淨之路止意精實不行自遠遂仰依明

勅府廩宿誠乃於形勝之所崇構尼寺縣  
官七職爰及鄉正之徒感斯福施忻然營  
助寺主道靜等覺法綯上坐智寂緩稱等  
咸以戒撻端嚴音義匪忒煩愠已棄業行  
聿脩相與經始不日而就介其勢撫靡麗  
地惟爽塏房廡深重長廊交映連簷雲合  
比屋霞舒寶鐸迎風雕樑照日至於莊嚴  
口殿飾盡丹青相好非常光明特絕舊尼  
宿德深覩津藏其不負錫來遊有懷樂土

竊惟靈應微遠無迹可尋但理□□□言  
由事發故探蹟索隱更顯法於將來幽贊  
神明亦了達於未悟然則立施之美從斯  
而見著述之義其在□□今盛業既彰大  
功剋構而激猷其記非所以曉示來葉者  
也是以敬勒他山式遵前學庶使無上功  
德與山□□□傳其詞曰 越聽前循曾  
聞莊老可名非名可道非道道遙爲貴齊  
物爲實緣報不由理尚未好遙梵上覺□  
神功四禪無像三界畢空□非迹應事



以感通無因達聖何以開蒙於惟我皇  
自天降縱九有熾施八方咸統治尚無爲  
民隨日用淳風既口式歌口誦功參佐命  
來牧蕃維秉茲施實是導是綏民和禮讓  
俗尚謙撝過則稱已功必口口寔爲良宰  
撥煩理口既經施化風移俗易仁不獨善  
贊輔斯益共保令名嘉命可適爰有明  
詔詰波四方聲風更闡遺教重昌同口口  
施上下紀經加籃仍建迥制高驥物愛雕  
修人榮寶飭畫堂皎皎華攘翼翼名德卜

居宴坐止息歸依一□□□□温温拵  
人穆穆明石位我橋樑應茲善誘有緣必  
應言立不朽敬勒斯銘天長地久

大隋開皇十一年歲次辛亥六月辛□

□

按碑無額無題文云皇帝詔州縣各立僧尼二寺  
隋書本紀不載經籍志有云後魏時太武帝西征  
長安以沙門多違佛性羣聚穢亂乃詔有司盡坑  
殺之焚破佛像長安僧徒一時殲滅自餘征鎮豫  
聞詔書亡匿得免者十一二文成之世又使脩復

至周武帝時蜀郡沙門衛元嵩上書稱僧徒猥濫武帝出詔一切廢毀開皇元年高祖普詔天下任聽出家仍令計口出錢營造經像云云蓋佛法廢而復興與碑襲聖軌繼金言語合而詔立僧尼二寺亦無明文此碑是建造尼寺立石紀績情使君建安公不著姓名縣令宋景等亦無傳可考文字完整闕者不避數字府屬疑是俯屬方與仰依對煩疑當是煩惱白天修縱疑是攸縱華機疑是是華機與畫堂對機木名吳郡賦云文機植櫨是也

杜乾緒等造象銘

石高六尺八寸廣一尺六寸分作六列第一列文行  
十七字第二列銘行十三字皆十一行下四列各十  
四行書都邑主邑子  
姓名正書在葉縣

大隨開皇十二年歲在壬口十二月壬申朔十日癸巳  
蓋欲崇高志遠者要須曠口口行是從當今佛弟子大  
都邑主杜乾緒口邑主張子元大都化主董難當都化  
主杜口口口邑等雖須形居俗因志栖方外口口口  
口龍山之南河山之西雉水之東吉祥口口口造石像  
一軀肩龍比刃巧盡百奇珍口口口遠而望之拔寶塔  
涌現於露山近而口口口祇爾之觀玉殿迴睛注目歸

心有在□□勝善福間皇家□法治國又顯七世先□  
□生眷屬類同沾澤因茲福慶刊記斯銘 其詞曰  
妙埋難原古趣莫尋淺□靡惻孰筆其深巖山開九□  
□□霽金□既□徒位雙林勇塔且淪祇前厝□□□  
光光銅人閑景曜宇暫空□□□□真曜不曠像月爲  
因寶□□□□羅妙像琛鏤吳崖相而真□明眺高雲  
光埋月服八万未踰真客何爽耶相吮吟福景唯深王  
□問條芳澤未今恩沾四□慶不有心言得千載不朽  
清音 比丘□法敏

大都邑主杜乾緒

邑子王 水

大都邑主張子元

邑子王承遵

大都化主董羅當

邑子張領兒

大都化主杜郭生

邑子杜盆

邑平正苑長女

邑子郝天明

邑平正高孝寬

邑子董多善

都唯那楊長孫

邑子陳伏巔

邑子向口口

邑子尹那湖

邑子高孝寬

世石主杜貴賓

邑子口劉口

邑平正杜化

邑子劉仕良

邑平正杜仕劉

邑子佐誕

邑雒那王鍾

以上第三列

邑子郭道口

以上第五列

邑子雒景口

邑子趙慶死

邑子郭景

邑子杜何碩

邑子李洪賓

邑子口口口

邑子賈仕琰

邑子

邑子杜雙興

邑子

邑子呂庆

邑子

邑子杜元和

邑子

邑子黃僧威

邑子

邑子陳子義

邑子

邑子杜然口

邑子

邑子王景隆

邑子

邑子王叔怡

邑子

邑子張口苟

邑子郭口郎

邑子司馬詳兒

以上第四列

邑子孫俟文

以上第六列

碑分三截上截記中截銘下截題名銘文典麗字法

古雅可愛

中州金石記

按銘序首云大隋開皇十二年歲在壬口考隨本



春秋時國卽今隨州隋文帝初受封于隨及有天下以隨从是周齊奔走不寧故去是作隋然見之碑刻往往通用以逮唐初諸碑書隨爲隋者不可枚舉此碑仍作大隨蓋未嘗有定制也餘見後碑跋至開皇十二年歲在壬子碑壬下闕一字乃子字也十日辛巳辛作采禮月令其曰庚辛注云辛之言新也新字从辛木斤謂以斤取木也此蓋借新旁之采爲庚辛字也文云邑等雖演形居俗因志栖方外頃當是頃字因卽罔字又卽網字頃者現在也謂雖現在形居塵網之中而志則栖託于

方外也龍山之南河山之西雉水之東皆不可考  
碑在葉縣縣屬南陽家語葉公好龍廳壁圖書龍  
形真龍爲之降或其地小山因以龍名而不甚著  
爲舊圖經所遺也縣有洧水水經注云洧水又東  
房陽川水注之水出南陽雉縣西又洧水又東南  
流歷雉縣之衡山碑所謂雉水者或卽雉縣之水  
非洧水卽洧水所受之房陽川也層龕比刃刃卽  
仞字遠而望之拔竇塔涌現於露山拔卽狀字露  
卽靈字祇箇之覩玉殿箇是箇字亦卽園字福箇  
皇家箇卽潤字銘詞云淺口靡則則卽測字漢筆

其深熟卽孰字筴卽竿字亦卽算字勇塔且淪勇  
卽湧字銅人閔景閔卽閉字眞曜不職職卽曦字  
像月爲囟囟卽容字琢鏤吳崖吳卽碧字光埋月  
眼張卽朗字王閔櫟三字銘本四字爲句此王字  
上下當脫一字閔櫟卽潤條言傳千載傳卽傳字  
載卽載字此下題名五十四行內高孝寬兩見一  
稱邑平正一稱邑子未審卽一人否